



Clotharius filius fuit Clodouei primi regis Christiani apud Francos. Is inter fratres maximæ authoritatis existens, post patris obitum Parisios regēdos sortitus est. quum autem is magna gloria circa Lutetiam rebus præesset, atq; interim Theobaldus ex fratre pronepos sine prole mortuus esset, etiam Austrasiam provinciam anno 540, competitoribus superatis, nactus est. Is inter initia nihil antiquius habuit, quam ut pace recuperata, Austrasianos per præfectos gubernaret. Ansberto igitur Hugobrechtis ducis Austrasiæ filio cū filiam Bluthildin uxorem dedisset, eundem Austriæ & Brabantiæ ducem constituit. Cum aut Saxones

eo anno rebellarent, Lotharius commotus super Visaram fluuium cum ipsis pugnavit, & cruentam uictoriam obtinuit. Vnde totam eorum terram cum Thuringia peruagatus, in Austrasiam rediit.